



Nastavljeno suđenje sutkinji Miletić

Sastanak s advokatom zbog prisluškivanja

U Sudu BiH jučer je nastavljeno suđenje sutkinji ove pravosudne institucije Azri Miletić, koja je optužena za primanje dara. I jučer je svjedočio istražitelj Državne agencije za istrage i zaštitu (SIPA) Aldin Mustafić, koji je puštao presretnute razgovore koji su se desili u januaru i februaru 2015. između optužene i svjedoka S1 i S2 te između zaštićenog svjedoka S1 i Senada Šabića.

Tužilac Džermin Pašić rekao je da ovim želi dokazati da je optužena prolongirala rok za kupovinu stana do kraja februara te da je vršila pritisak na S1 i S2 zbog toga. Prema optužnici, Šabić i Ramo Brkić su obećali Miletić novčanu naknadu za ishod drugostepenog postupka u kojem je ona bila predsjedavajuća sutkinja. U optužnici se navodi da je Miletić od posrednika S1 primila dio obećanog novca, čime je svjesno prekršila zakon. Brkić i Šabić su bili optuženi u ovom predmetu za davanje



Miletić: Optužena za primanje dara

mita, ali su u bijegu.

Istražitelj Mustafić je pustio razgovore između optužene i advokata Vlade Adamovića. Ona mu se požalila da je prisluškuju i zbog toga tražila sastanak s njim, a na njegovu konstataciju da i njega snimaju, dogovorili su se da se nađu kod studentskih domova u Nedžarićima.

Suđenje će biti nastavljeno 7. jula, kada će odbrana optužene unakrsno ispitati ovog svjedoka. **E. Ma.**